

15.oktober 2018

UKA2018/219

Siunnersuut uunga: Pinngitsuuisinnaajunnaarnermik katsorsaasarneq pillugu Inatsisartut Inatsisaat nr. xx, xx.xxx 2018-imeersoq

Peqqissuseq ilorlikkut qallikkullu inuiannut pingaaruteqarluinnartuuvoq. Taamatulli pisariaqartitsineq aallaavigalugu katsorsaaveqarnissaq aamma pingaaruteqarluinnartunut ilaavoq. Tamatta akisussaaqatigiip-pugut susassaqaqatigiillutalu, ikioqatigiinnerlu pillaanermut taarsiullugu inuit ikorfartortariaqartut pinngitsuuisinnaarnermik aniguerusuttut saaffissaqarnissaannik periarfissaqartittariaqarpagut. Nuannaarutigisariaqarparput inoqarmat allanngorusunnermik siunnerfeqartunik, taakkulu allannguerusunnerat upperalugu tapersersortuartariqarpagut.

Pinngitsuuisinnaajunnaarnermik nalaatallit ikiorserneqarnissamik pisariaqartitsissut nunatsinni periarfissaqarnerat nuannaarutigisariaqarparput. Ukiuni arlaqalersuni ajornartorsiutit nalinginnaalersimasutut isigilersimasagut iliuuseqarfiginissaat sulii ilisimaneqaleriartorpoq, allannguerusunnerlu ajunngitsumik sangutitsinertut isigalugu tamanna alloriarneq pitsaasuvoq, Siumumiit tapersersortuaannagassarput.

Nunatsinni pinngitsuuisinnaajunnaarnermik nalaatallit amerlaqaat, taamaattoq Siumumiit pattalaanngitsoorumanngilagut nersualaarusunngitsoorusunngilagullu katsorsartinnikkut aniguisimasut, ullumikkut peqqillutik suleqataasut. Taamatullu inuit allannguerusullutik ikorfartorneqarnissamik pisariaqartitsillutik saaffiginnittartut amerliartornerat pitsaasutut isigisariaqarparput.

Taamak naatsumik oqaaseqarluta siunnersuut ilaqutariinnermut peqqissutsimullu ataatsimiititaliamut suliassanngortipparput.

Qujanaq.

Laura Táunâjik, Siumut